

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----“, ----- 2016 թ.

„-----“, ----- 2016 թ.

(արձանագրություն N° )

**ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ ՈՒՍԱՆՈՂՆԵՐԻ ՀԱՃԱԽՈՒՄՆԵՐԻ  
ՀԱՇՎԱՌՄԱՆ ԵՎ ԱՆՀԱՏԱԿԱՆ ՊԱՐԱՊՄՈՒՆՔՆԵՐԻ ԿԱԶՄԱԿԵՐՊՄԱՆ**

**Կ Ա Ն Ո Ն Ա Կ Ա Ր Գ**

**ԼՇՆԴՀԱՆՈՒՐ ԴՐՈՒՅԹՆԵՐ**

1. Սույն կանոնակարգը կարգավորում է Հայաստանի ազգային ագրարային համալսարանի ուսանողների հաճախումների և փոխադրումների, վերականգնումների, 2-րդ մասնագիտություն ստանալու ժամանակ, գործող ուսումնական պլաններով առաջացած առարկաների տարբերությունները հանձնելու, ինչպես նաև տարբեր պատճառներով ուսումնական պարապմունքները բաց թողած ուսանողների համար կազմակերպվող անհատական պարապմունքների իրականացման գործընթացը:
2. Ուսումնական պլաններով և ուսումնական գործընթացի կազմակերպման ժամանակացույցով նախատեսված ուսումնական պարապմունքների բոլոր ձևերին (դասախոսություն, լաբորատոր, գործնական, սեմինար, ուսումնաարտադրական պրակտիկաներ) ուսանողների մասնակցությունը պարտադիր է:
3. Ուսանողի կողմից անհարգելի պատճառներով ուսումնական պարապմունքները բաց թողած ժամաքանակը լրացման ենթակա չէ: Երբ կիսամյակի ընթացքում անհարգելի բացակայությունների ժամաքանակը գումարվելով հասնում է 30 ժամի, ուսանողի հարցը, դեկանատի և ուս.խորհրդի ներկայացմամբ, քննարկվում է ռեկտորատում համապատասխան միջոցառում ձեռնարկելու նպատակով, ընդհուպ մինչև համալսարանից հեռացումը:
4. Հարգելի, հիմնավորված պատճառներով ուսումնական պարապմունքները բաց թողած ուսանողները դրանք լրացնում են ուսումնական պարապմունքներին ներկայանալու

ընթացիկ և հաջորդ շաբաթվա ընթացքում, որպես կանոն շաբաթ օրերին: Նշված ժամկետում հարգելի պատճառով բաց թողած դասերը չլրացնելու դեպքում ուսանողի հարցը դեկանի ներկայացմամբ քննարկվում է ռեկտորատում, ընդհուպ մինչև համալսարանից հեռացումը:

5. Հարգելի պատճառներով ուսումնական պարապմունքներից բաց թողած դասերի համար հիմնավոր փաստաթղթերի դեկանատ ներկայացման, դրանց հաշվառման ու գրանցման գործընթացը կանոնակարգվում է «Ուսանողների կողմից հարգելի պատճառներով ուսումնական պարապմունքներից բացակայությունների հիմնավորման ու գրանցման գործընթացը կանոնակարգելու» վերաբերյալ 2006 թվականի №147/ԱԾ հրամանով սահմանված կարգով: Ուսանողի հարգելի բացակայության վերաբերյալ փաստաթղթերի ընդունումից հետո դեկանը տեղեկացնում է համապատասխան ամբիոնների վարիչներին:

Ուսանողների բացակայությունների վերաբերյալ տվյալները դասախոսը նույն օրվա ընթացքում գրավոր ներկայացնում է ամբիոնի վարիչին: Ամբիոնի վարիչը ուսանողների շաբաթական բացակայությունները տվյալ շաբաթվա վերջին ներկայացնում է համապատասխան դեկանատ: Դեկանատը ամփոփում է հաճախումների արդյունքները և ընթացք տալիս կանոնակարգի համաձայն: Հարգելի պատճառներով ուսանողի կողմից բաց թողած պարապմունքների լրացման գործընթացի կազմակերպման և իրականացման ողջ պատասխանատվությունը դրվում է համապատասխան ամբիոնի վարիչի և տվյալ ուսանողի վրա:

6. Հիվանդության պատճառով (սահմանված կարգով հիմնավոր փաստաթղթի ներկայացման դեպքում) ուսումնական պարապմունքներից 30 օր անընդմեջ բացակայած ուսանողի հարցը ֆակուլտետի դեկանատի և ուս.խորհրդի համատեղ ներկայացմամբ քննարկվում է ռեկտորատում և գործող կարգի համաձայն ձևակերպվում է ակադեմիական արձակուրդ կամ կուրսի կրկնում:

7. Ուսանողների փոխադրումների, վերականգնումների և 2-րդ մասնագիտություն ստանալու դեպքում գործող և նախորդ ուսումնական պլաններով նախատեսված առարկաների տարբերությունները որոշելիս, առարկայի ծրագիրը համարվում է ավարտված, եթե ժամաքանակների տարբերությունը չի գերազանցում 30 %-ը, անկախ առարկայի ատեստավորման ձևից (ստուգարք կամ քննություն):

Առարկաների տարբերության բաժինը, ինչպես նաև կուրսային նախագծի

(աշխատանքի) տարբերությունները սահմանում է ամբիոնը դեկանատի հետ համատեղ, հաստատվում է ուս. գծով պրոռեկտորի կողմից:

8. Ուսանողը պարտավոր է յուրացնել և հանձնել սահմանված առարկայական տարբերությունները դեկանատի կողմից սահմանված առարկայական տարբերությունները և ուսումնական աշխատանքների գծով պրոռեկտորի կողմից հաստատված ժամանակացույցով, բայց ոչ ուշ, քան տվյալ կիսամյակի քննաշրջանի սկիզբը:

9. Տարբերություն առարկայի լրացման ենթակա հաշվարկային ժամերի քանակը սահմանվում է տվյալ առարկայի գործող ուսումնական պլանով նախատեսված ժամաքանակի 20%-ի չափով, սակայն ոչ պակաս, քան 10 ժամ: Դասախոսությունները լրացվում է ռեֆերատների և մշակումների տեսքով, իսկ լաբորատոր-գործնական պարապմունքները համալսարանում ընդունված կարգով, մեծ տեղ հատկացնելով ուսանողների ինքնուրույն աշխատանքին և խորհրդատվությանը:

10. Փոխադրումների, վերականգնումների և 2-րդ մասնագիտություն ստանալու ժամանակ անհատական պարապմունքները կազմակերպվում են վճարովի հիմունքներով, բացառությամբ.

ա) Ուսումնառության ընթացքում իսկական զինվորական ծառայության զորակոչված և զորացրվելուց հետո ուսումը շարունակելու թույլտվություն ստացած ուսանողների,

բ) Ակադեմիական արձակուրդից սահմանված կարգով վերադարձած ուսանողների,

գ) Ուսումնական պարապմունքներից բացակայած ուսանողների,

դ) Առարկայական կուրսային նախագիծը (աշխատանքը) կան առարկայի տարբերության բաժինը լրացնող ուսանողների,

Մեկ ժամվա վարձավճարի չափը որոշվում է ըստ փաստացի ծախսումների:

11. Սույն կանոնակարգը գործողության մեջ է մտնում 2007 թվականի սեպտեմբերի 1-ից:

12. 2007 թվականի օգոստոսի 30-ից ուժը կորցրած ճանաչել 2002 թ.-ի դեկտեմբերի 14-ին գիտական խորհրդում հաստատված (արձ. №2) «Հայկական գյուղատնտեսական ակադեմիայում անհատական պարապմունքների կազմակերպման կանոնակարգը», ինչպես նաև նույն հարցի վերաբերյալ գիտական խորհրդի 2004 թ. դեկտեմբերի 15-ի (արձ. № 8) նիստի որոշումը (հրաման № 138/ԱԾ, 27.12.2004 թ.):

## ՀԱՎԵԼՈՒՄ

Հիմք ընդունելով Ռեկտորատի 2008թ. ապրիլի 11-ի որոշումը 2007թ. հուլիսի 17-ին հաստատված «Հայաստանի պետական ագրարային համալսարանում ուսանողների հաճախումների հաշվառման և անհատական պարապմունքների կազմակերպման կանոնակարգի» 3-րդ կետում կատարել հետևյալ լրացումը.

*Այն ուսանողները, ովքեր կիսամյակի ընթացքում տվյալ առարկայից անհարգելի բացակայել են ուսումնական պլանով սահմանված լսարանային ժամաքանակի 15 %-ից ավելին, թույլատրվում են տվյալ առարկայի քննությանը (ստուգարքին) բաց թողած ժամերը լրացնելուց հետո, ընդ որում անհարգելի բացակայությունների լրացումը թայլատրվում է կատարել տվյալ կիսամյակի տեսական կուրսն ավարտելուց հետո (կիսամյակի վերջում):*

**Ծանոթության** - Տվյալ առարկայի սահմանված ժամաքանակի մինչև 15% անհարգելի բացակայություն ունեցող ուսանողները թույլատրվում են նույն առարկայի քննությանը (ստուգարքին) առանց պարտադիր լրացման, բաց թողած նյութի ինքնուրույն յուրացման կարգով:

**Հիմք՝** Ռեկտորատի 2008 թվականի ապրիլի 11-ի որոշումը  
(արձանագրություն 15):

Հաստատված է

Վավերացնում եմ

ՀԱԱՀ գիտական խորհրդում

ռեկտոր

Ա. Թարվերդյան

„-----“, -----2016 թ.

„-----“, ----- 2016 թ.

(արձանագրություն № )

**ՀԱՅԱՍՏԱՆԻ ԱԶԳԱՅԻՆ ԱԳՐԱՐԱՅԻՆ ՀԱՄԱԼՍԱՐԱՆԻ 2-ՐԴ ԵՎ ԲԱՐՁՐ  
ԿՈՒՐՍԵՐԻ ՈՒՍԱՆՈՂՆԵՐԻ ԿՈՒՐՍԻՑ-ԿՈՒՐՍ ՓՈԽԱԴՐՄԱՆ ՀՐԱՄԱՆԱԳՐՄԱՆ  
ԺԱՄԿԵՏՆԵՐԻ ԵՎ ՊԵՏԱԿԱՆ ԿՐԹԱԹՈՇԱԿՆԵՐԻ ՆՇԱՆԱԿՄԱՆ  
ԺԱՄԱՆԱԿԱՎՈՐ**

**ԿԱՆՈՆԱԿԱՐԳ**

1. Ուսանողների կուրսից-կուրս փոխադրման հրամանները տրվում են 2-րդ կիսամյակի քննաշրջանի արդյունքների հիման վրա, յուրաքանչյուր տարվա օգոստոսի 27-ից 30-ը ընկած ժամանակահատվածում: Նշված ժամկետներից հետո ակադեմիական պարտքերը մարած ուսանողների հրամանգրումը կատարվում է ոչ ուշ, քան սեպտեմբերի 22-ը:
2. Ուսանողներին կրթաթոշակ նշանակվում է կուրսից-կուրս փոխադրման հրամանը արձակելուց անմիջապես հետո՝ տվյալ տարվա սեպտեմբերի 1-ից մինչև հաջորդ տարվա փետրվարի 1-ը ընկած ժամանակահատվածի համար: Սեպտեմբերի 1-ից 22-ը կուրսից-կուրս փոխադրման հրամանը տրված ուսանողներին կրթաթոշակ նշանակվում է հոկտեմբերի 1-ից մինչև հաջորդ տարվա փետրվարի 1-ը: Հարգելի պատճառներով, նշված ժամկետներում, ակադեմիական պարտքերը չմարած ուսանողների կուրսից-կուրս փոխադրման և կրթաթոշակի նշանակման հարցերը քննարկվում են ռեկտորատում, անհատական կարգով:
3. Եթե ձմեռային քննաշրջանում (դեկտեմբեր-փետրվար ամիսներին) կրթաթոշակ ստացող ուսանողն որևէ առարկայի քննությունից գնահատվում է <<անբավարար>>, <<չստուգված>> կամ անհարգելի չի ներկայանում քննությանը, դեկանի առաջարկությամբ հաջորդ ամսից զրկվում կրթաթոշակից: Անկախ ակադեմիական պարտքի (երի) մարման

Ժամկետներից այդ կարգի ուսանողներին կրթաթոշակ նշանակելու հարցը քննարկվում է դեկանատում և ձևակերպվում հրամանով հաջորդ ամսվա սկզբից:

4. Առաջին կիսամյակի քննաշրջանի արդյունքներով, այն ուսանողներին ովքեր հուվարի 31- ի դրությամբ չունեն ակադեմիական պարտքեր նշանակվում է կրթաթոշակ փետրվարի 1-ից մինչև օգոստոսի 31-ը ընկած ժամանակահատվածի համար:

Այն ուսանողներին, ում քննաշրջանը կամ ակադեմիական պարտքերի մարումը ավարտվում է փետրվար ամսին, կրթաթոշակ նշանակվում է փետրվարի 1-ից օգոստոսի 31-ը:

Ավարտական կուրսերի ուսանողներին կրթաթոշակ նշանակվում է փետրվարի 1-ից մինչև ավարտելը:

Ծանոթություն՝ եթե ուսումնական գործընթացի կազմակերպման գրաֆիկով տվյալ մասնագիտության որևէ կուրսի քննաշրջանը ընգրկում է նաև փետրվար ամիսը, ապա այդ խմբերի ուսանողները կրթաթոշակ ստանում են նաև այդ ամսվա համար (այդ մասին տրվում է լրացուցիչ հրաման): <<Անբավարար>> գնահատականի, <<Չստուգվածի>> կամ անհարգելի պատճառներով քննությանը չներկայանալու դեպքում ուսանողը հաջորդ ամսից զրկվում է կրթաթոշակից:

5. Գարնանային քննաշրջանում (մայիս-հունիս-հուլիս ամիսներին) որևէ առարկայից <<անբավարար>>,<<չստուգված>> կամ ահարգելի պատճառներով քննությանը չներկայացված ուսանողը հաջորդ ամսվանից զրկվում է կրթաթոշակից: Անկախ ակադեմիական պարտքերի մարման ժամկետից այդ կարգի ուսանողին կրթաթոշակ նշանակելու հարցը քննարկվում է սեմպոտեմբերին՝ կուրսից-կուրս փոխադրման հրամանը արձակելուց հետո